



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Expedita Juris Divini, Natvralis, Et Ecclesiastici Moralis  
Expositio**

**Tamburini, Tommaso**

**Coloniæ Agrippinæ, 1665**

Quoad successorem ex emptione, parag. 3.

**urn:nbn:de:hbz:466:1-40132**

Iiter hypothecata fuisset in hunc ferè modum: omnia mea bona sint tibi Conductor subjecta ad securitatem tuæ Conductionis, tunc valida sine dubio fuisset sublequens alienatio, sed Conductor, juxta secundam partem regulæ, haberet Jus te defendendi contra Locatorem, seu Locatoris hæredes, volentes eum expellere, ut fuse Molina, a qui deinde num. 9. prosequitur quid dicendum sit in re locata à Fisco, & paulò pôst, in quibusnam idem Fiscus succeedere soleat.

*a Molin. d.  
490.*

Excipe Secundò, id, quod mox excipiam §. 3. nu. 2. cum de mente.

*Successor sui Administratoris.*

7. Regula Tertia, quando aliquis alteri prædecessori sive defuncto, sive viventi succedit, etiam in re particulari, qui prædecessor administrationem rerum illius, qui succedit legitimè habebat, quique prædecessor rem illam locaverat, debet b) ejusmodi successor stare locationi factæ. Ratio regulæ est, quia quilibet obligatur rata habere ea, quæ facta sunt à suo legitimo Administratore, seu suo Procuratore, quamvis deinde hic moriatur, vel à munere amoveatur. Cum ergo hic Locator, de quo agimus in hac regula, fuerit legitimus Administrator, unde legitimè locaverit, debet eis successor eam locationem ratam habere.

*b Mol. Re-  
bellio,  
Mantica  
Gomez.ap.  
Bonac.l.c.  
nu. 7.*

*c Molin. d.  
492.*

*d Lege Mo-  
n. ibid.  
nu. 4.*

8. Hinc Pupillus debet stare locationi factæ à Tutori, vel Curatore. Hinc ex meliori sententia, quam sequitur cum alii Molina, c Uxor, mortuo Marito, debet stare locationi non solum bonorum dotalium, sed etiam Paraphernalium factæ ab eodem Marito, quia Maritus non solum est usufructarius rerum dotalium, sed etiam est legitimus Administrator carundem rerum dotalium, & eriam, saltem, quando uxor non prohibuit, paraphernalium. At vero Maritus tunc solum obligatur stare locationi antea à dotante factæ, verbi gratia domus data ipsi dotem, quando Maritus eam rem in dotem accipiens, ciebat, esse locatam, quia sic tacite visus est locationi consentire: fécus, d) si nefiebat, quia tunc, cum sit successor particularis in dominio utili, recurret secunda regula jam numero 4. allata.

9. Hinc denique Prælatus, Abbas, Beneficiarius debet stare locationi factæ à suis præ-

decessoribus de bonis pertinentibus ad Ecclesiæ, quia horum illi prædecessores fuerunt legitimi Administratores, & hi posteriores incedunt in his bonis Ecclesiæ quasi eandem Ecclesiæ representantes, ut repræsentabant prædecessores.

10. Dixi (de bonis pertinentibus ad Ecclesiæ, nam de bonis, quamvis Ecclesiasticis, sed pertinentibus ad suam dignitatem, vel Beneficium, cuius fructus sui sunt, cum ea dictæ persona administrarent, ut res suas, quod fructus, validè quidem locant pro tempore sua vitæ, sed non pro tempore post suam mortem, unde tunc successor stare locationi non obligatur. Et nota, in his bonis pertinentibus ad eorum dignitatem, vel Beneficium, successores succedere, tanquam in Majoratu, quibus prædecessor præjudicare non potest, unde, si hic prædecessor exigit pensionem pro tempore post mortem suam, potest e successore *c Leg. 4.  
nu. 4.*

11. Atque in hoc toto casu hujus nu. 10. *de cass.* Sicuti Locatoris successor potest recedere à Locatione, præter casum, quem mox §. 3. nu. 2. *nu. 7. p. 2.* & 3. dicam, cum de Emente, sic Conductor potest Conductionem relinquere. Denique memineris, hæc omnia dicta semper esse præse- *nu. 7. p. 2.* scindendo ab aliqua legitima consuetudine forte alicubi introducta, vel justo pacto, &c.

§. III.

*Successor particularis ex Emptione.*

1. Mens rem ab aliquo, est ejus successor particularis. Emens ergo rem locatam, eadem prædicta secunda regula, duas habente partes, utatur, quam modo paragr. 2. nu. 4. atculimus.

2. Unum tantum casum excipe, in quo is, qui emit, saltem ex æquitate, stare debet contractui, nec expellere potest Conductorem. Nam Colonus v.g. si, postquam agrum conductus, illum seminavit, non debet ejusmodi Colonus expelli ab Emente memoratum agrum, donec messis colligatur, quia secus iatempstivè expelleretur, cum aequum non sit, Colonum fructuum jacturam perdere.

3. Idem dic de Prælato successore bonorum Ecclesiasticorum particularium Prædecessoris, nam, si res non est integra, & Co- ductor operas adhibuit in agro Beneficiarii solen-

colendo, dictus successor non potest Conductorem expellere, donec annus, vel frumentum collectio finiatur, ne scilicet intemperie cum alterius damno abscondatur locatio.

4. Ex quibus colligo, idem debere dici, de omnibus similibus, vel dissimilibus successibus, quia aequitas non patitur, ut Conductor, aliquo damno, dum bona fide in operas praecessit, afficiatur.

## C A P U T VII.

## Explicans illud descriptionis.

Personam aliquam, vel seipsum.

1. **H**ec pars descriptionis norat posse quenquam, vel seipsum, vel aliam personam, in quam quis Jus habet, ut suum servum locare alteri promittere, siue universale in omnibus, ut sunt famuli, qui sub pretio se exhibent ad serviendum in quaunque re Domino, sive in aliquo peculari opere, ut sunt Artifices, Coloni, Scientiarum Magistri, &c. De his ergo sub communione nomine famularū nonnulla perstringam, nec solū ea, quæ strictè pertinent ad contratum locationis de quo loquimur, sed etiam (quandoquidem adeò hæc occasio) ad alia universaliter, quæ spectant ad famulos, & consequenter ad Dominos.

2. Ut autem ordinatum procedam. Primo, agam de famulis, qui juxta promissum, serviunt, seu servierunt. Secundo, de his qui prmissionem violantes, non serviunt, cum possint. Tertio, de his, qui non serviunt, cum non possint.

## §. I.

De Famulis, qui serviunt, seu servierunt.

1. **I**ls, qui debirum obsequium exhibent, vel exhibuerunt, deberi justum stipendium, quis ignorat? Sed quærenda sunt adhuc duo. Primo, quodnam est debitum obsequium? Secundο, quod est justum stipendium.

Quodnam est debitum obsequium?

2. Illud est, quod moraliter, & communiter in illo genere ab aliis exhiberi solet. Et quia illud habet latitudinem, juxta quam diligens, diligentior, diligentissimus famulus servire potest, satis erit, in gradu infino, id est, ut famulus exhibeat diligentiam, necessario maximum, nec illam, quæ urgeat ad desidiam, idque præcisio pacto majoris diligentiae, pro qua daretur majus stipendium, ut ex se patet.

3. Hinc sit Primo, ut si famulus prædictam diligentiam, saltem in infimo dicto gradu non servet, ex quo sequatur damnum aliquod Domino, ut inquam, ut obligetur ad restitutionem damañorum, immo, propter partatem rationis, etiam lucrorum, Domino indecessantibus. Verum hic maximè est notanda monitio alias sacerdoti tradita, a nimis negligientiam, quæ in uno genere famularū v. 3. c. 5. §. 1. 1. gr. in transferendis lignis, est levis, gravem esse nu. 5. c. 1. 1. transferendis vasis vitreis. Locum omnino rec. c. 3. §. 7. V. Depositi-

4. Fit Secundo, ut si posita prædicta diligentia, famulus alias operas exerceat, lucreturque, possit hoc lucrum sibi acquirere, & retinere, quia, quando sese abdixit Domino, e- lib. 9. Tr. 7. jusmodi sese potestatem non abdicavit. de Societ. c. 8. nn. 15.

Quodnam est stipendium justum?

5. Justum autem stipendium habet sumnum, medium, & infimum gradum, estque illud, quo communiter in foro solent operæ, famulique talis ministerii conducit, & satisfaciet Dominus, si præscindendo ab aliquo iusto pacto det infimum, ut notat Bonacina, b. p. 4. nu. 3. sicuti, nec injustè ager famulus, si petat summum: si petat, inquam, nam si tacer, videtur infimo contentus esse, atque adeò non potest, prætextu supremi debiti, compenlare sibi usque ad sumnum.

6. Hæc ita in genere dicta rem exactè nequaquam definiunt; adhuc enim restat scrupulus, ecquodnam sit ejusmodi justum, licet infimum stipendium, præsertim, quia nesciri vix potest in tanta varietate operarum, & ministeriorum, quodnam stipendium in foro, & communiter currit. Id ergo prudens, & experitus vir facilè explicabitur, si quatuor expendat capita, quæ jam subdo.

7. Pri-